

百名家詞鈔

名家詞鈔目錄

廬陵 聶先 晉人

纂定

長水 曾王孫 道扶

染香詞

桐城 江皋 磊齋

碧窗夢 生查子

詞

憶秦娥 卜算子

浣溪沙 虞美人

柳梢青 南鄉子

二調

踏莎行

蝶戀花

南柯子

二調

風中柳

二調

蘇幙遮

江神子

青玉案

漁家傲

二調

定風波

御街行

意難忘

木蘭花慢

二調

望海潮

二調

風流子

賀新郎

沁園春

二調

摸魚兒

二調

百字令

四調

高陽臺

水調歌頭

鎖窗寒

綺羅香

醉蓬萊

洞庭春色

染香詞

桐城江皋磊齋

碧窗夢

舟中

細草搖波綠。殘霞漾日紅。蓬窗飛蝶撲簾櫳。驚破莊
生○愁○夢○碧○山○空○

生查子

閨情

花底見流鶯。莫放金丸彈。人渡赤欄橋。影動垂楊畔。
小東欲減愁。難倩春歸雁。病起試腰圍。寬減湘裙
半。

前調

殘漏擁青綫。好夢偏隨枕。如水注。春愁難汲。汲汲井。
花落杜鵑紅。池面波生錦。曉起步芳叢。滴露和香。
粉。

憶秦娥

旅興

烏啼咽。驛亭樹樹栖殘月。栖殘月。不管愁人。夢魂傷。
別。鶯花過盡江南節。羽書望斷烽烟絕。烽烟絕。五。
雲深處。怕看宮闕。

卜算子

曉行

懸空月半鉤。影落烏栖樹。曉霧如珠的的圓。溼透征
衫處。衝烟聞馬嘶。隔水驚人語。望裏遙峰無數。青
是我還家路。

浣溪紗

偶寄

淚湧寒潮自作波。黛添山翠雨偏多。鏡臺容易放春
過。芳草蒙茸隨恨長。落英狼藉奈愁何。腰圍還似
別時麼。

虞美人

偶見

啼粧亂逐征塵曉。馬上窺人小。黃河水急向東流。莫

更○回○頭○波○上○望○南○州○健○兒○沽○酒○呼○同○醉○掩○面○輕○彈○
淚○若○教○鐵○騎○靖○塵○埃○那○得○許○多○紅○袖○日○邊○來○

柳梢青 秋夜見螢火

風○靜○窗○紗○雨○餘○堦○畔○數○點○橫○斜○簾○捲○輕○烟○巷○收○殘○月○
光○在○檐○花○飄○零○踪○跡○無○涯○莫○更○逐○隋○堤○莫○鴉○囊○裏○
芸○香○草○間○清○露○影○落○誰○家○

南鄉子 閨情

寶○枕○繡○雙○鸞○獨○擁○青○綾○耐○夜○寒○好○夢○乍○回○天○欲○曉○看○
看○閨○個○更○兒○也○自○撩○強○起○怕○憑○闌○塵○拂○朱○絃○久○不○

彈。人。在。鏡。中。還。自。去。單。單。欲。向。菱。花。喚。影。難。

前調

粧。罷。偶。然。閒。小。立。窺。人。自。整。髮。啼。鳥。歌。喉。翻。似。曲。關。
關。聽。到。情。深。不。肯。刪。襟。袖。染。苔。班。闌。草。新。輸。玉。指。
環。花。下。落。紅。留。步。淺。珊。珊。雨。過。香。泥。小。印。還。

踏莎行 初夏

花。落。深。村。草。凄。芳。渡。遠。林。遮。斷。鶯。啼。處。征。衫。微。雨。浣。
輕。塵。斜。陽。影。裏。青。帘。暮。烟。蕩。遙。青。絮。飄。殘。素。歸。程。
約。算。還。無。數。鄉。心。縷。縷。織。新。愁。不。隨。一。片。花。飛。去。

南柯子 投宿

細草縈晴岸。新流映淺沙。柳綿吹作鬢邊華。又見柴門隔在暮山涯。峰翠將收黛。村烟欲變霞。鳴鳩香啄聚林花。今夜青驄還繫阿誰家。

前調 對鏡

寶匣開粧閣。香奩傍曉簷。青銅一片閨銀蟾。對面粧成誰艷兩纖纖。婢拭塵沾袖。花窺影隔簾。一身分作兩人歡。莫向郎前輕照影兒黏。

風中柳 咏楊花

作意風流。簾外窺人不見。任飄揚梨花深院。雨香風細。落處難消遣。襯殘紅草間輕轉。輕薄依人。挽不住長條線。參徑鋪林。風乍剪。軟步芳塵。羅襪看難辨。掩屏山雪飛千點。

前調

咏柳

灞上烟絲。偏惹離人煩惱。綰斜陽碧搖芳草。許多情緒。倩鶯聲難告。看垂鞭軟塵遮道。拂水藏村。好伴桃花紅笑。更誰憐江南路杳。河橋折斷。望歸帆須早。嘆飄零落花空老。

蘇軾遮從軍

陣雲高。邊月小。鼓角聲中。斷送人多少。鐵甲寒生光
悄悄。馬上刀環難卜。歸期早。羽書忙。飛騎繞。魚海
龍堆。不放春風到。麟閣封侯功尚杳。赤羽青烽。楊柳
登樓曉。

江神子 詠柳

幾株疎樹近斜陽。弄烟光。蕩橫塘。最是西風南浦路
淒涼。樓上凝粧人不見。春夢裏影微茫。繫人愁處
萬絲長。絮飛狂。燕飛忙。記得門前曾控紫騮韁。此日

腰肢難鬪舞。搖落後不堪量。

青玉案

憶廣陵舊遊

紅橋記得雷塘路。曾獨棹蘭橈去。別墅誰家烟裏度。
荷香盈沼。柳絲遮戶。人指吹簫處。新詞唱遍青樓暮。
誰爲樊川傳麗句。枝上桃花能幾許。一窗紅蕊半
簾殘絮。溼透青衫雨。

漁家傲

午夢

睡醒殘書猶在抱。楊花軟徑鋪茵草。夢裏人真憐窈
窕。尋不到。香塵落影和烟掃。巧語窺窗無數鳥。護

他乳燕穿簾早。一覺游仙驚易老。歸去好。莫教錯認華胥道。

前調 聞警

羽檄朝來馳馬異。相逢怕問征人意。千丈黃塵天外起。殘角裏。旌旗日冷轅門閉。人在沙場心萬里。嫫莫定封侯計。戰骨難歸荒草地。愁不寐。嚴城刁斗聲聲淚。

定風波 灘上

返照啣山射水紅。青羅百尺漾孤蓬。小艇浮烟人乍

見灘淺遙看飛電濺長空。短纜牽來無客伴。愁斷
蒲帆曲曲轉江風。樹暗空。嗟容易暮。微雨半沾嵐氣
溼濛濛。

御街行

憶長安故人

銅龍曉漏催天曙。丹陛趨聯步。日薰仙仗擁雞翹。飄
渺爐烟纔舉。彩毫簪筆。玉珂搖佩。天上遙傳語。螭
頭封事披雲霧。喜青藜分照。歸來諫草避人焚。暗灑
窮檐膏雨。鳳凰池暖。蓬萊地近。肯讓烟霞主。

木蘭花慢

招隱

江南春欲暮。鶯漸老。笋初肥。記牆畔天桃。欄邊芍藥。
爛熳芳堤。片帆乘潮歸去。嘆羽書馳驟。燕來稀。紅粉
多情易老。青山有夢難歸。最愁人。深夜聞雞。我欲
解朝衣。攜膝下鵝雛。庭前芝樹。穩覓雙棲。依然貧家
荆布。把綺羅都換。北山薇。金谷豪華逝水。鹿門歲月
忘機。

前調

歲暮書懷

義車驚易逝。搔首處。漫書空。看劉向傳經。匡衡抗疏。
桓典乘駟。人生博場如戲。笑臯盧一擲。鬧兒童。逐鹿

當年爭手。祝雞何處尋翁。笑十年宦跡飄蓬。去住
逐飛鴻。任廬岳峰頭潯陽江上。嘯傲從容。官閒醉吟
堪老。拭青衫常對燭花紅。何日扁舟載石。歸尋門巷
丹楓。

望海潮

七夕

微雲乍掩。疎星亂綴。新秋此夜初涼。露滴荷珠。風翻
桐葉。屋梁澹月生黃。清景更難忘。嘆人間離別。天上
何妨。最是雙星。年年此約費思量。浪憑鵲成雙。
問乘槎有客。何處徜徉。紈扇輕揮。機絲暗織。画樓人

隔江鄉兒女意偏忙。對針樓。瓜菓誰解。明璫還家有夢。蛛絲盤結兩三行。

前調 渡黃河

驚飈狂吹飛塵高擁。臨流急問孤槎。斷岸將傾盤渦乍落。低空日澹黃沙。攬轡緩征車。看奔濤駭浪作意交加。疑是馮夷倒翻天漢向人家。孤城隔岸吹笳。正新蒲展葉。細麥浮花。鐵騎未歸。青衫乍返。茫茫道路堪嗟。波上一帆斜望。殘陽斷壘。烟冷啼鴉。擊棹中流。日暮愁共水無涯。

風流子 偶興

秋風搖落後。新涼夜。何處問壺觴。看隴上黃雲。稻香
十畝。檐前綠雪。梧葉千章。行藏事。荒村初學稼。冷署
尚爲郎。斗酒殘編。猶耽高調。朱絃粉黛。怕逐新粧。
蓴鱸歸思切。扁舟獨繫。吾意在滄浪。莫遣草堂深處
松菊全荒。嘆邯鄲夢裏。馬牛作隊。華胥道上。傀儡逢
場。白眼相看。一笑贏得清狂。

賀新郎 淮陰懷古

睥睨臨高閣。枕清淮。長堤曲岸。崩沙如削。千古英雄

懷一飯百尺荒臺。蕭索繫釣艇。酒家簾箔。楓葉蘆花。
烟際冷。嘆江山楚漢空城郭。聽夜漏。催寒鐸。馮夷
吹浪驚濤作。抵狂瀾。浮槎半沒。沉犀力薄。漂母祠前。
樓艦擁。吹起數聲清角。是何處。乘流青雀。天外哀鴻。
聲悄悄。儘飛鳴亂向沙頭落。誰與覓揚州。崔

沁園春

題夏玉田小像

嘯傲滄浪。酒杯詩卷。輕舟往還。看碧草灘頭。共搖蘭
槳。青油幕底。暫解刀環。三徑蒿萊。五湖烟水。家在江
南。何處山。誰拘束。信風波浩蕩。坐弄潺湲。此生縱

意疎頑。向湖海逃名。只等閒。任笠雨。簑風。笑添蒼鬢。
渚烟遙月。醉倚朱顏。繡襦春。雛紅粧并載。拚得浮家。
水一灣。相尋處。在鷗鳬影裏。蘆荻花間。

前調 章門客寓讀董舜民蒼梧詞

滕閣秋生。南浦波輕。仙舟乍來。正烽烟憔悴。將軍息
戰。江關蕭瑟。詞客多才。錦繡攜囊。香芸滿帙。句裏山
川。盡可哀。登臨處。恐珠簾。画棟。難愜幽懷。江南烟
雨。樓臺。問結綺。臨春。安在哉。看懸楊。里邊誰容高臥。
撞琴市上。幾共徘徊。照乘珠光。千霄寶氣。一卷驚人。

冰雪開高吟罷借梵香薰燭怕惹纖埃。

摸魚兒

寄內

恨離亭○慣經風雨○逡迤家在何處○寄書頻囑人歸早○
箋溼墨痕無數○還欲住○試看取○落花不是來時路○愁
懷孰語○儘消受○無情夕陽古道○鞭影飛殘絮○田園
事○擬買青山○又誤○閉居從教人妬○板輿最愛潘郎賦○
心緒向人難訴○看劍舞○誰道是○朱顏綠鬢終黃土○風
塵更苦○何日抱琴書○雙栖只在○三疊泉聲處○

前調

述懷

怪○會○經○欺○人○風○雨○獨○放○扁○舟○纔○去○眼○前○傀○儡○知○多○少○
瞥○見○當○場○無○數○誰○教○住○送○不○盡○車○輪○馬○首○天○涯○路○臨○
岐○致○語○看○惜○別○牽○情○灞○橋○楊○柳○幾○樹○飄○殘○絮○少○年○
輩○白○首○功○名○休○誤○才○人○今○古○爭○妬○間○關○莫○謾○誇○詞○賦○
把○酒○青○天○難○訴○空○醉○舞○誰○料○得○卧○龍○躍○馬○終○黃○土○悲○
歌○易○苦○蜀○道○幾○千○盤○銷○魂○無○那○三○峽○啼○猿○處○

百字令 金陵懷古

江山未改嘆飄蓬。萬里浮槎重晤。白鷺洲邊芳草綠。
剩有鷗踪萍聚。記得當時。珊瑚錦勒。踏遍春郊路。六

朝金粉。画图多少烟樹。誰信結綺臨春。玉簫金管。
鏤鎖沉江渡。禾黍松楸朝復暮。庾信哀時難賦。燕子
磯頭。鳳凰臺畔。荒草紛無數。怕聽商女。曲裏新聲如
故。

水龍吟 隴寓感懷

閒庭古樹蕭蕭。啼鴉聲徹高林表。春花落盡。綠楊飛
絮。歸心縈繞。亂卷書籤。橫拋藥裹。茶烟清裊。憶江南
三徑。柴門碧樹。馬蹄路迷芳草。望裏雲山愁渺渺。
蓬廬置身何小。半生事業。飄零多誤。雄心未了一劍。

孤懸千金空擲。羈栖天抄。嘆玉關塵杳。隴頭音斷。一聲鶯曉。

念奴嬌

寄內

邊城惜別。念風沙萬里。一鞭行色。鞦鼓聲中人獨返。望斷征鴻脉脉。待得春來。隴頭花發。誰把江梅摘。喚愁鸚鵡。窺人飛滿荒陌。收拾藥裏詩囊。京華羈旅。不耐鄉心折。縷縷音書難細說。怕寄還家消息。兒女情深。關心夢裏。冷煖無端的。長安砧杵。敲殘一聲霜月。

前調 望岱

岱○岳○峻○峭○倚○晴○空○萬○頃○白○雲○飛○簇○齊○魯○眼○前○青○未○了○
九○點○烟○中○縱○目○我○欲○扶○筇○先○登○絕○頂○看○取○扶○桑○浴○殘○
陽○繫○馬○亂○峰○天○外○如○玉○嘆○息○人○生○雙○展○滾○滾○黃○塵○
那○得○尋○幽○谷○昨○過○華○山○峰○畔○路○却○笑○昌○黎○多○哭○漢○相○
秦○松○金○泥○玉○檢○封○禪○文○誰○續○夢○遊○驚○返○天○雞○聲○動○茅○
屋○

高陽臺 無題

一○笑○逢○君○画○欄○深○處○窺○人○怕○聽○笙○簧○夜○漏○空○沉○橫○陳○

照○月○飛○香○。口○脂○欲○語○音○猶○怯○。對○粧○奩○微○褪○紅○裳○。背○簾○
櫳○虛○檐○弄○影○。肩○倚○檀○郎○。新○歡○作○意○徬○徨○。勝○鸞○栖○金○
屋○。燕○乳○雕○梁○。耐○得○情○癡○。他○時○還○約○成○雙○。自○嘆○臨○卽○。惟○
悴○客○。堪○恨○是○曲○變○求○凰○。更○誰○憐○。章○臺○繫○馬○。宋○玉○窺○牆○。

水調歌頭

初度書懷

驚○看○百○年○易○。萬○事○總○由○天○。從○前○涉○歷○可○笑○。真○覺○費○周○
旋○。數○卷○囊○中○錦○字○。一○劍○斗○間○虹○影○。逸○興○本○翩翩○。驅○馬○
金○臺○路○。獻○賦○憶○當○年○。關○山○裏○。冰○雪○畔○。儘○留○連○。一○麾○
乞○郡○。嶺○南○烟○瘴○。劇○堪○憐○。官○况○龍○城○水○石○。歸○計○鹿○門○林○。

輕。出。處。兩。茫。然。我。欲。問。松。菊。種。秣。有。山。田。

鎖窗寒 示別柳州父老

崔嶺青搖魚峰翠立。繞城烟戶。雙旌五馬。歷遍蠻風。
瘴雨葦茅堂遙對千山。巡簷時共梅花語。剩瑤琴掛
壁。芸編堆案。官同羈旅。遲暮。人何處。問柑子堂前。
風流在否。春郊竹馬。欲去攀轅如許。看圖書半載裝。
輕鬱林片石猶堪數。向蠶叢更放扁舟。好覓文翁侶。

綺羅香 別桂林

江雨懸帆。嶺雲依纜。道路偏增遲暮。舊侶分攜。欲挽

驪歌還住。牽碧縷、一棹芳洲。剪青羅、雙橈烟浦。最難
忘。深洞幽期。蒼苔踏破。層岬路。相思江上。渺渺欲
問還珠。何處烟波難渡。無數青峰。染就黛痕。雙嬖看
彩鷁。烟草橫時。指白鷺。江天飛去。問何人。星漢乘槎
歸來。還致語。

醉蓬萊

書桂林郵亭壁

笑浮踪天末。歷遍崎嶇。片帆纔去。蜀道蘼蕪。仍相攜
琴。霍芳樹千重。冷猿哀雁。送澹雲疎雨。望裏家山。江
南路杳。鄉心誰語。一曲驪歌。綠波新漲。相思江上。

折殘烟絮怪石奇峰記雙旌來處半載圖書一肩行
李○赴○秋○風○南○浦○惜○別○多○情○郵○亭○壁○上○更○題○殘○句○

洞庭春色 感事

柳子才名伏波勳業千古驚人問羅池苔碣日南銅
柱○至○今○踪○跡○憑○弔○難○真○電○影○羲○光○看○過○隙○笑○土○偶○逢○
人○乍○屈○伸○誰○能○向○這○千○峰○徑○裏○着○個○閒○身○此○生○甘○
年○浪○跡○久○負○却○張○翰○秋○萼○憶○龍○眠○丘○壑○溪○烟○林○雨○清○
流○千○尺○濯○盡○飛○塵○陸○賈○歸○來○炎○海○變○嘆○錦○囊○珠○囊○倍○
黯○神○不○須○更○指○層○臺○荆○棘○高○塚○麒麟○

吳蘭茨

綺

曰。余客吳門。夏日初長。養病無事。日與

晉人丹崖把讀。染香詞本。不啻聽廣陵濤。比屋
聯吟。時同一旅。况也。方之。世情涼涼。鷗鷺有江
河。日趨之勢。則元聲飄舉。惟染香慢令。組織之
力。功莫大焉。

丁藥園

彭

曰。先生衡文蜀道。得士最盛。呂半隱先

輩亟稱之。及見其詩。餘氣骨高華。有橫截數眉。
矗立天梯之致。

姪湘友

接芹

曰。海內稱詞家。東南以才華勝。西北

以氣力雄。惟染香詞則兼擅其長。所謂吉光片羽。無愧風雅宗工。鼓吹休明。端有賴乎。

名家詞鈔目錄

廬陵 聶先 晉人

纂定

長水 曾王孫 道扶

寒山詩餘

太原 馮雲驤 訥生

菩薩蠻

三調

浣溪沙

二調

少年遊 鷓鴣天

玉樓春 生查子

訴衷情 憶王孫

霜天曉角

桃源憶故人

臨江仙

搗練子

古調笑

二調

長相思

二調

千秋歲

蝶戀花

漁家傲

踏莎行

三調

女冠子

二調

憶秦娥

三調

浪淘沙

二調

西江月

二調

如夢令

四調

憶王孫

柳梢青

四調

減字木蘭花

巫山一段雲

二一

南柯子

二一

滿江紅

水調歌頭

南鄉子

河滿子

沁園春

三調

謁金門

寒山詩餘

太原 馮雲驤 訥生

菩薩蠻

塞上秋望

龍○沙○落○日○山○銜○水○。登○臺○悵○望○寒○雲○裏○。獵○騎○返○城○西○。秋○
風○大○將○旗○。飛○蓬○迷○鳥○路○。白○雁○哀○鳴○去○。絕○塞○易○黃○昏○。
孤○城○早○閉○門○。

前調

古廟

空○祠○老○木○鶯○雛○小○。殘○碑○石○獸○荒○涼○曉○。鬼○嘯○白○狐○歌○。蕭○
蕭○霜○葉○多○。風○聲○天○外○急○。孤○客○登○臺○立○。雲○樹○一○回○頭○。

江山萬古愁。

前調 平廢官

槎牙雨過危牆倒。當年曾記珠樓好。鳥雀逐秋來。可憐歌舞臺。紅顏黃土化。玉椀埋寒夜。老木嘯天風。荒涼似夢中。

浣溪沙 漁家

十里風波鏡裏天。雙雙鵝鴨傍沙眠。釣絲冉冉弄江烟。潮水平時紅棹穩。斜風吹處綠蓑偏。繫舟常在古海邊。

前調 七夕

縹緲銀河淺淡流。水雲不散迓龍輶。神靈兒女意綢繆。天上誰傳七夕事。人間都起一年愁。紅絲彩線美人秋。

少年遊 旅興

荒墩落落接河橋。老樹認前朝。金鳧埋月。石麟眠草。殘碣枕山腰。黃雲塞上悲風急。沙草沒平臯。中夜聞雞。短衣射虎。看劍冷蕭蕭。

鷓鴣天 游仙

玉殿雲樓十二重。金沙縹緲界遙空。手攀琪樹神山
上。坐弄珊瑚碧海○中。呼○白○鶴○駕○蒼○龍○閒○吹○鉞○笛○起○
天○風○遙○看○九○點○齊○州○小○殘○日○如○螢○墜○晚○紅○

玉樓春

春游

青尊攜向河橋路。留住休教春色去。花○飛○玉○蝶○帶○紅○
香。柳○暗○黃○鶯○啼○綠○雨。人○生○且○莫○攢○眉○苦。悵○望○南○山○
烟○似○縷。荒○臺○石○獸○草○離○離。萬○古○英○雄○皆○此○處○

生查子

秋怨

霜風落葉遲。殘月窺人小。孤枕怕疎鐘。寶鏡慵清曉。

樓上望行人。衰柳平原道。記得別離時。樓下纔芳草。

訴衷情

夏景

晴紅濃綠滿平洲。澹澹暖波流。佳人明粧羅帶。縹緲水邊樓。微雨過。彩雲浮。好清遊。蜻蜓燕子。荷葉香中。楊柳枝頭。

憶王孫

山居

南峰拖雨北峰晴。雲際清秋捲葉聲。獨客蕭寥倚戶聽。瀑泉明。孤鶴盤盤照影橫。

霜天曉角 塞上冬泊

亂山削壁。戍壘高千尺。風曳大旗紅捲。沙萬里。看無極。霜林寒鳥急。蕭條聞野笛。弔古李陵臺畔。金戈朽。土花碧。

桃源憶故人 秋閨

輕雲漠漠紗窓曉。又見芙蓉謝了。羞對池中雙鳥。別後歡情少。簾垂銀蒜爐香裊。鏡匣清塵慵掃。一曲琵琶秋老。蛩語悲寒草。

臨江仙 本調

樓○桂○棹○蘭○舟○天○欲○暮○青○楓○浦○上○堪○愁○江○妃○漢○女○兩○悠○悠○
水○寒○靈○瑟○杳○花○老○白○雲○秋○閒○步○沙○邊○尋○古○跡○當○年○
解○佩○綢○繆○蛟○納○素○手○倚○芳○洲○玉○顏○明○野○照○霞○影○結○飛○

搗練子

閨思

風○獵○獵○夢○悠○悠○手○捲○蝦○鬚○倚○鳳○樓○羅○帶○雙○垂○人○獨○立○
一○行○雁○字○正○橫○秋○

古調笑

瑤○瑟○瑤○瑟○纖○手○清○音○徐○出○篆○烟○寶○鴨○香○溫○月○上○花○梢○

閉門。門閉。門閉。窗影垂楊枝細。

前調

綃帳綃帳。四角明珠相向。夢回烟月模糊。獨坐誰憐
影孤。孤影孤影。秋葉蕭蕭金井。

長相思

霜冷冷。露冷冷。獨坐空閨數晚螢。寒燈一點青。思
惺惺。夢惺惺。吹罷鵝笙立小亭。金釵墮翠屏。

前調

送行人。憶行人。不信嬋娟誤此身。垂楊春又春。惜

芳晨對芳晨。金縷衣閒寶鏡塵。長眉顰復顰。

千秋歲

雲中登戍樓作

黑雲城外。風逆飛鴻退。悲笳響。驚蓬碎。亂峰攢劍戟。
野水環衣帶。閒徙倚。堆沙老樹遙相對。憶昔兵戈
會。龍虎紛旌旆。尋戰壘。今猶在。千載精靈滅。幾度江
山改。凝望處。白登古道烟如海。

蝶戀花

春晴

綠煖垂楊鴉睡曉。趙女春遊。羅襪憐芳草。堤上風吹
飛絮繞。落紅香軟榆錢小。心事嫣然還一笑。昨日

清明。蕩子歸來早。妾貌問郎花更好。花強郎故將人
惱。

漁家傲

閒適

茅屋蕭疎雲水抱。晴沙細路叢芳草。卜得山居盤谷
窈。明月舂。綠烟嫩竹龍雛小。白石灘頭飛白鳥。黃
梁飯熟黃雞早。午夢醒來春又老。狂歌好。這回不上
長安道。

踏莎行

觀獵

野曠騎鷹草深逸。兔。戰場射獵堪懷古。千年老樹倚

風吟。行白雁。翻雲去。馬邑荒城。龍堆野路。殘兵
落落孤墩住。徘徊倚劒弔秋雲。彎弓射虎人何處。

前調 悲秋

亂草叢叢。霜根齒齒。登臺無限悲秋意。一聲斷雁送
離愁。滿林紅葉添憔悴。縹緲羈懷。蕭條况味。此時
非酒情如醉。寒砧鐵馬。美人心。清霜淡月。征夫淚。

前調 塞上漫興

霧鎖孤城。天橫野水。角聲一帶斜陽裏。西風戰壘皂
旗愁。南山獵火黃羊起。投筆書生。壯懷何已。酒酣

拂劒霞光紫。一桃漫作臥龍吟。十年空負雕蟲耻。

女冠子

水○明○花○裊○仙○館○飛○香○縹○緲○。夢○儵○然○。玉○腕○披○金○籙○。紅○顏○
鍊○紫○烟○。洗○粧○秋○月○下○。春○藥○晚○風○前○。昨○夜○逢○王○母○。降○
鸞○輶○。

前調

塵○情○盡○遣○。拋○去○金○釵○翠○鈿○。盼○清○都○。雪○椀○飛○龍○藥○。花○冠○
神○虎○符○。纖○腰○霓○舞○怯○。小○膽○石○壇○孤○。忽○憶○前○宵○夢○。步○
踟○躕○。

憶秦娥

千古戰場

烟明滅。戰場遙望沙如雪。沙如雪。蕭條老木。西風淒烈。野花黯淡英雄血。驚蓬斷草殘戈折。殘戈折。清霜鬼語。聲聲幽咽。

前調

斜陽裏。浮雲慘淡天如水。天如水。戰場懷古。荒墩殘壘。西風剪剪紅旗死。秋林落葉驚鴉起。驚鴉起。不堪極目。平沙千里。

前調

惜別

花枝裊。秦娥羅帶春風曉。春風曉。送君南浦。馬蹄芳草。行人望處。青天老。斷雲飛處。青山小。青山小。伯勞飛燕。芳心縹緲。

浪淘沙

村居

流水白雲邊。長日如年。平原遙望動孤烟。逐鹿戰龍人去也。老樹蒼然。茅屋小如拳。藤蔓鈞連。柴門開處對山田。飯罷黃牛春雨足。且去安眠。

前調

秋色雨淒淒。落葉烟迷。休將白髮唱黃雞。濁酒瓦盆

成獨嘯。一醉如泥。笑傲老山谿。莫羨金閨。醉歌不
復辨東西。兩臂爲弓爲彈也。萬物皆齊。

西江月

湖上

何處女兒十五。輕盈蕩樂平湖。採蓮一曲唱徐徐。笑
指鴛鴦南浦。羅袖欲隨風去。纖腰好倩人扶。相看
相望意躊躇。儂比蓮心更苦。

前調

簾捲美人臨水。亭亭一縷紅霞。清如明月照梅花。垂
柳可憐樓下。閒整玉釵獨坐。峭寒風急歸鴉。晚波

淡蕩對窗紗。堤上浮雲似馬。

如夢令

四時詞

烟裊春枝紅顫。楊柳垂垂金線。蛛網軟留香小語。梁間雙燕。花片花片。趙女秋千庭院。

前調

雨洗高梧光動。水殿微涼風送。端坐理瑤琴。繡帶垂垂雙鳳。烟重烟重。蝶睡蓮房香夢。

前調

又是黃花重九。倚望可憐垂手。霜冷畫衣單。弄影流

螢疎牖回首回首愁病那堪秋柳

前調

一望寒烟舊雪。幾陣北風淒烈。酒醒夢荒涼。閃閃孤燈明滅。霜月霜月。繡被香寒如鐵。

憶王孫

卽席賦

琵琶素手出花房。淺淡蛾眉綽約裝。葉葉流雲送暗香。訴官商。抱月彈冰。夜色涼。

柳梢青

秋感

落葉殘霞。昔時宮殿。風捲棲鴉。壞道哀湍。美人黃土。

藪藪驚沙。崩樓老樹槎牙。月滲淡金鳧玉蟬。弔古
登樓。悲歌倚劍。彈落霜華。

前調

黃河岸項羽廟

野岸欹斜。項王遺廟。風響蒹葭。氣盡英雄。泥神彈淚。
石虎眠沙。鬼燈遙對江花。漁唱起孤舟。遠槎想像
精靈。荒雲黑月。幾陣驚鴉。

前調

趙武靈王墓

石路寒花。趙王古墓。樹老雲斜。怪鳥吟風。蒼狐眠月。
電走金蛇。塞垣一望無涯。野店響樵歌。暮笳試問

當年英雄伯業折戟沉沙

前調

白樓在朔州舊城後魏納秦姚興之女建飾以粉鉛故名

故國荒丘。斷烟無際。弔古增愁。昔日駟騫花明香笳。霧帳雲幃。雕闌十二。清秋錦海鎖秦姬玉樓。飛斷花魂。燒成鴛瓦。拾得搔頭。

減字木蘭花

偶成

沙邊縱矚。春雨初晴春草綠。高塚麒麟。何用浮名絆此身。浩然獨嘯。濁酒床頭明月照。有月何時。今我停杯一問之。

巫山一段雲

本調

曾賦襄王夢。清顏覩玉姬。至今雲雨總堪思。環珮更何時。紫燕愁春草。黃鸝問柳枝。年年辜負賞花時。月影過江遲。

前調

峽月開明鏡。山雲裊碧烟。當年此地降神仙。春色笑嫣然。舊雨飛蝴蝶。殘花泣杜鵑。秋風人喚渡江船。野水怨長天。

南柯子

詠蝶

小影飄春色。輕身蕩暖烟。舞衣繡入自翩然。更有滕
王圖畫記當年。莫遣羅巾撲。雙飛好兩全。夢魂常
繞海棠邊。最是香鬚花翅。總堪憐。

前調

頗訝飄金屑。曾聞化彩衣。輕風宛轉趁人飛。還向牡
丹枝上抱香歸。艷夢花房醒。雙情故故低。美人從
倚捲羅幃。忽憶蕭郎離別。怨春暉。

滿江紅

大同閨變時諸生李若葵偕兄象葵
弟心葵姪柱周俱自縊死先題壁曰

一門

完節

感歎英雄。一腔灑悲風熱血。憶往事龍爭波沸。鶚啼
未歇。戍壘戈沉連日霧。將軍鼓死三更月。惟書生耿
耿執孤心。存忠節。題壁處。腸應結。游魂斷。城南陌。
更全家同死。一門高潔。精衛丹誠銜木怨。子規舊恨
殘春說。愧他人城上豎降旗。臣網絕。

水調歌頭

聞笛

倦客悲秋色。落日况聞笳。遙驚飛葉衰柳。走瑟瑟寒
沙。感我羈心弔古。回首那堪塞上。對斷雁昏鴉。多少
英雄淚。鬼火照殘花。征夫怨。壯士恨。思無涯。聽吹

蘆響還嘆潦倒送年華。烈烈軍聲動也。射虎斬蛟何日。夢旆影龍蛇。哀叫西風急。平野戍烟斜。

南鄉子 觀獵

獵騎踏塵高。沙曠鷹飛狡兔逃。秋色蒼茫明画戟。蕭蕭敗柳霜楓。落古壕。戰地莽空寥。殘日吹燐鬼語。驕閒倚白龍堆上望。迢迢青塚荒烟恨未消。

河滿子 雁門關上李牧祠

趙將英靈杳冥空餘老木殘霞。過客登臺頻下馬。雨凋古壁槎牙。百尺雁門高峻。秋聲彷彿鳴笳。爭戰

七雄已矣。閒尋斷戟崩沙。松柏蛟皮如帶甲。營開千騎。歸鴉悵望。戍烟縹緲。看碑憑弔無涯。

沁園春

與故將軍某登樓作

落日蒼茫。一嘯臨風。攜樽上樓。話將軍舊事。飛纓躍馬。彎弓沙塞。丈人蛇矛。燕領徒矜。麒麟未画。李廣誰憐。命不侯空蕭瑟。看床頭鐵甲。腰下無鉤。浩然動我羈愁。嘆十載孤心。抱壯猷。漫雕蟲黃卷。騎驢雪夜。行吟梁甫。坐釣羊裘。老矣英雄。壯心寥落。采石名山。去好休。遙回首。見風沙滿目。萬古荒丘。

前調 同客郊飲

縱步郊游。把酒高呼。一登古臺。嘆風雲慘澹。山川曠
莽。繁華銷歇。白骨蒼苔。玉殿珠歌。金窗翠舞。錦瑟銀
箏。安在哉。塵沙起。聞西風雁叫。北壘猿哀。興酣倚
劍徘徊。擬河朔淋漓濁酒杯。漫平原絲繡。趙州酹土
前人往矣。誰復雄材。青鏡頻看。小樓獨倚。去日良多
不再來。翩然嘯欲同君五嶽。踏徧蒿萊。

前調 夜飲某將軍第

百尺高臺。千斛清醕。彈箏吹箏。正將軍設宴。金尊夜

月美人歌舞。玉樹庭花。慷慨書生。徘徊彈鋏。痛飲蕭
騷。醉九霞。沉酣也。嘆壯心潦倒。荏苒年華。回頭古
樹昏鴉。況邊塞看飛蓬斷沙。悵英雄銷盡。黃雲漫漶。
仙翁去遠。白石谿。訝莫訝余狂。酒闌起舞。曾說禰生
試鼓撾。人寰小。待騎龍跨鶴。海島無涯。

謁金門

月下

風袂舉。我欲凌空飛去。喝月呼杯。沉醉處。人在冰壺
住。細細飛霞彩縷。瑟瑟天河清渚。曾記當年攜玉
斧。桂長今幾許。

余曼翁

懷

曰。余於丁酉年。序訥生先生飛霞樓詩。

於金陵。今三十餘年矣。聶子晉人。忽持寒山詩
餘來示。循覽諷翫。如與先生促坐。奮袖捧手而
談也。晉自柳州香山而後。風流文采。若滅若沒。
蓋寥寥焉。先生挹景霍汾澮之奇。鍾屈馬絳鹽
之秀。發爲詞歌。標映古今。霞披電掣。不獨以嬌
花龍柳爲工也。晉有澤州冢宰之詩。又有代州
觀察之詞。三河文陣。可以雄視中原矣。

聶晉人

先

曰。曹秋岳先生。畀余寒山詞一卷曰。此

山右馮公訥生之所作。公天才弘穎。學殖彌於
中。而藻采襮於外。其爲詞也。憂玉鏗金。牢籠百
態。憐垂柳。弔秋雲。漬漬然有江山之助焉。子盍
梓而傳之。余稽首敬受。鈔付剞劂。其詞具在。直
與西麓草窗同工異曲。秋岳先生之言備矣。余
何能贊一辭哉。